



國家清史編纂委員會·文獻叢刊

清代稿鈔本

第三一冊

國家清史編纂委員會·文獻叢刊



# 清代稿鈔本

第三一冊

廣東省立中山圖書館  
中山大學圖書館

編

廣東省出版集團  
廣東人民出版社

### 第三十一册目錄

芝房詩存	一
邵子京詩	二九
思益堂詩集	四七
吳城竹枝詞	八七
越賢赤牘存真	一〇七
梯雲館詩鈔	二七七
荔莊書屋詩鈔	三〇三
靜香閣詩存	三五一
紅蝠山房二編詩補鈔	三六一
慎誠堂集	四四五
覺庵雜記稿本	四八一
舟車隨筆	五六五

# 芝房詩存

存卷上


電白邵詠子言

鈔本

廣東省立中山圖書館藏



卷之芝房詩存卷上 抄 什子



芝房詩存

芝房詩

存

李石泉題



序

古有之曰詩言志又曰詩以道性情吾於邵子芝房之詩而得性情之正焉吾視學粵東每與魚山精研此事而芝房之尊甫亦余門下士今其命嗣升之日來蘇齋問字因以芝房所著詩稿二冊乞余一言其懷古之作與五七律俱有深入處噫魚山而後舍斯人其誰與歸惜未能晤對几席共訂此中之三昧余老矣無以贈言因其請勤勤是為序

嘉慶甲戌冬十月之吉北平八十二叟翁方綱書

高州邵君芝房有詩名知詩者謂其詩可傳知人者謂其人尤可傳嘉慶癸亥君來羊城相遇于陳子仲卿齋中既而往還談讌

相得甚歡未幾君別去自是不復相見後聞君為韶州府訓導論者謂君之才終於廣文以是為君惜余謂不然且夫人生數十寒

暑惟倫常之間出處之際為大節所關而於求完全無缺憾者未易多得君則家庭雍穆倫紀克敦君之父君之弟君之子皆

以拔萃貢於

廷而君則以優行舉雖未獲居高位展布其子然以明經出為一郡師儒之官克稱其職至其為詩

自少即與令弟子京璩麤唱和既壯入都尊師取友以道義文藝相切磋由是學益進詩益工其詩清而不薄麗而不纖澹而

不枯質而不俚樂府諸篇尤得古意宜翁覃谿馮魚山法先生為之歎賞不置也今秋君次子墨莊茂才自高州來將刻君詩尚序於余



余思君生平於倫常之間  
出處之際皆無缺憾此人  
生所不易得者其人可傳  
其詩所以益可傳也與墨  
泉墨莊昆季克守先澤

能讀父書此又余與仲卿  
追念四十載故人而為之欣  
然色喜者也道光丙午  
季秋之月番禺張



芝房詩存序

芝房先生家世以文章品望為吾郡重子十餘歲時於親  
事家得先生小畫幅上題小詩筆墨秀整欣然愛慕以生  
年少後又隨宦從師里居日淺不獲從先生游處道光癸  
未歸自京師訪先生於曲江學齋匆匆別去比子引疾旋  
里先生已歸道山於先生他詩皆未能見也丙辰冬令子  
墨莊以先生全集見示述先生遺意欲予一言置之案頭  
輟而復讀經涉旬月遂病半載不能綴筆既而思之以愛

慕先生之久不可不述所懷也復卒讀之五言樂府連思  
結藻練色錘響直逼古人其他古今體皆清而不纖腴而  
不靡姿制明潔規檢整齊純乎雅音絕無浮豔與先生性  
情品格渾合為一所謂中有人焉呼之欲出也予譚陋不  
足以測先生謹言所能言者書以復墨莊亦以得附名於  
先生集中為幸也丁巳五月林召棠序



跋

予耳芝房先生名而未識其人壬午仲秋晤於羊城旅館蓋積學篤行君子也並出其所著詩古文相示或紆餘蕩漾興託烟霞或往復流連感深者舊由其淵源正學殖富周覽南北形勝其興趣又足以發之集雜徑寸語足千秋益嘆墨峯藥塘諸故交二十年來傾襟攬佩為不虛也予自養疴習靜於世事了不措意惟語言文字之緣常往來於心而不能去蓋結習難忘耳惜乎碧樹吟秋青山送客先生匆匆去海上予又以懶於吏事乞歸不獲晨夕過從商確風雅訂世外交蓬蓬白雲南

北相望其興感又當何如耶

道光壬午秋九月二日平湖徐一麟拜跋

題詞

余昔在京邸與譚康侯農部論粵東詩人聞其嘖嘖稱芝房先生不置今秋小住羊城墨泉明經出其尊人芝房詩鈔二卷見示知先生學有本原得力於樂府最深五古五律尤為渾樸字字發於至情至性非風雲月露之詞可比不愧作家康侯侯豈欺我哉  
道光歲次丁酉中秋後三日韓榮光拜讀

題詞

伏誦芝房先生文集義法精嚴其風格在南豐半山之間為古文正法眼藏然要可為知者道耳古今體詩出入三唐亦庶幾王右丞孟襄陽流亞歟詰嗣墨泉拔萃將付剞劂以公同好因書此還之

陵城李紹昉拜讀

芝房詩存卷上

高興十首

幽巖生叢桂流芬在空谷豈無異眾姿無穢隨草木地僻名難揚林深香易伏寧求樵牧採不免禽鳥啄常恐狂風至飄搖隨百族誰為素心人移我向華屋寶物隱地底榮光上燭天豐城兩神劍紫氣斗牛邊雷煥掘深獄久鬱始得宣一拭西城土發彩芙蓉鮮奇輝不久掩靈物終當聯延津戲雙龍會合遂千年梧臺得燕石什襲於良玉楚國獻連城慟哭三朋足世

固少真知按劍寧免辱明月避魚目燕雀譏鴻鵠人生求其真豈望憐庸俗但患非純鉤終當遇薛燭老蚌合明珠潛游寄沙窟有時露光彩煌煌如海月其此瑰異姿難禁榮光發貴人最驕愛搜索滄波竭懷奇樂知已敢避刀錐伐金盤如見珍流輝照城關朝登金華山澄神希太清忽見赤松子驪鬘朝玉京芙蓉映丹頰霞彩輝冠纓天半一招手邀我雲端行高舉不知遠一氣凌空晴下顧世間人但聞坡壑聲吁嗟溺利欲四野多攻瑩相將受丹訣煉魄學長生

騏驎本神駿所志在騰驥負鹽一何苦詩屈上太行蹄

曹白邵錄並言

穿膝已折吞聲任銜韉用遠遜凡馬遷延隴坂長中途  
過伯樂慟哭氣為揚仰首一長鳴哀音達穹蒼剪拂乃  
殊衆當時固尋常寒風久不在誰論鷲與良

孔雀產炎洲光華照山澤彩羽展錦屏連錢動金碧臨  
風立高枝亭亭見標格自矜殊衆姿福患在咫尺名高  
豈藏身尾大難欽迹一朝海濱人殺身售毛翮旖旎人  
華堂千人尙愛惜豈知懷醜毒終受虞羅厄自古皆如  
此貪殘復何益

明珠生濁泥簡珪產垢土蘊寶人不知本與沙礫伍何  
地不生才豈以門資取魏人立中正所重在牒譜上品

多世族若若膺簪組豪傑老溝壑豈免棄道苦帝世無  
遺賢誰能復隆古

東風楊柳綠長安好游春翻口誰家郎嬌戲渭橋邊錦  
衣繫銀帶白馬輝朱輪繁華各年少一出據要津意氣  
凌千夫赫奕難具陳日暮趙李家弦歌進羞珍駿馬驕  
相鬪十丈揚紅塵不作洛陽賈終歲憂賤貧

桃李生東園開花艷春日爭榮如錦繡婀娜固難匹豈  
無珠玉姿但恐華勝實秋風振林華雨露思已畢樓郁  
徒自矜繁英黯然失松柏自蒼翠獨保歲寒質

擬古

芝房詩存

庭草日夜綠春風吹羅幃君子遠行邁天涯不願歸灼  
灼青銅鏡塵埃掩光輝結髮為君婦自傷歡日稀桃李  
爭春陽獨與芳時違徘徊起歎息淚下沾裳衣

我有秋蘭花細佩傍羅衣三年不忍棄馨香亦漸微胡  
為寶此物此物足相思豈無瓊玖貴美人之所貽  
明月射窗牖照我朱絃琴披幃拂羅袖一揮成古音夜  
長再三嘆冷口寫幽心河漢西南流斗轉星橫冬哀彈  
有餘響曲調方沈口良人處遐遠清怨一何深

臨流懷結挽涉波采江蘿采口不盈掬春風吹裳衣日  
暮忘來歸登高望所思遼遙隔山海浮雲遠蔽之殿晏

方寸心纏綿君不知  
灼灼芙蓉花翻口弄光彩秋風易搖落芬芳豈長在游  
子行不還悠口隔年載萬壘繫中庭秋鴻翔四海昔時  
顏色嬌今看容鬢改豈不愛春華風光弗相待吁嗟零  
落枝萼芳寧見采

白日去可惜開尊召賓友阿閣臨清渚山河當戶牖雅  
歌雜哀彈為君進美酒木落南浦波秋風疎高柳人事  
難逆料誰能恤其後一別復何許相逢盡大斗良無松  
鶴壽身外更何有

朔風吹枯林霜露被平阪義相如馭白日浴口去不返晝

九

夜互相催奄忽歲已晚少年負意氣所志多高遠功名  
苦未立蕭然華髮滿努力當及時無使嗟日短運命固  
難齊人事責匪勉

善哉行

來日勞力力瘁心焦今日當樂何不逍遙一解人生百  
年幾日當歡茫茫宇宙浮雲無端二解今日何日所親  
在堂今夕何夕彈箏進鶴三解買臣負薪他日乘車邵  
平封侯異時種瓜四解姜公釣渭乃逢周文咸弗飯牛  
不過齊桓五解鳳在荒郊無異山鷄驢服鹽車不如鴛  
駒六解出門望鄉鬱鬱七解雖有遠志不如當歸七解

東求木公海水翻：欲附仙流上扣天門八解

行路難

行路難行路大難雨雪紛：裹敝衣單一解朝亦大難  
暮亦大難面多飛塵不及飽餐二解大道漫：生非資  
門素無黃金誰相與言三解翻：狐裘白馬金鞍相逢  
政交難言不親四解侯門洞開軒蓋如山中多賈人亦  
皆豪賢五解噫嘻嗟哉客行雖樂不如早還行路大難  
不如早還六解

對酒歌

車馬在門有酒盈樽今日不飲白日依原一解挾瑟高

堂調絲未央解我鸛鷓以繼壺觴二解茫茫海邊服藥  
求仙不見松喬死已千年三解帶繫統鈎遶遊九州所  
見金穴何如糟邱四解

苦寒行

北風振林壑雨雪何秀：崎嶇陟峻阪上此太行山堅  
冰塞徑路積素明巖巒車輪正摧折寒馬鳴不前冷氣  
厲肌骨重裹不為溫旁見數貧民呻吟伏草間身上無  
完襦腰下無完褱自言薪米絕數日少一餐狐兔穴深  
窟飛禽息羽翰斯人亦何辜乃至此饑寒此豈無父母  
枯瘁隨風塵相濟無良術蒼天本甚仁去：不忍顧竟

日為哀酸

塘上行

青青水中蒲結根生我池結根良不固隨水東西移入  
門事君子中情初不疑鸛：相比翼印：相附馳兩意  
同一心邱山誓無欺忽然被放廢舉動無顏儀昔為錦  
在機今為斷棄絲自非愚愛薄妾自不相宜但願與新  
人白首無乖離始終同所歡似妾當年時自歎少他意  
無端致磷淄日月有未光流照當知之

門有車馬客行

門有車馬客朱輪駕白駒故人遠方來言歸自京都昔

別美少年鬢已今有鬚接君繡鞍，羈坐君紅氍毹呼僕  
言視，既呼童爲辦廚，銀盤膾鮮鯉，青絲提玉壺，酒酣各  
慷慨，中席生長吁，一一問世事，翹首共踟躕，十年勢更  
變，滄桑在須臾，衣冠改新人，第宅非舊區，故識如晨星，  
落江與湖，英妙忽爲鬼，墓門荒榛蕪，勤苦竟無成，白  
首終釣屠，撫坐聽君言，淚落如連珠，白衣變蒼狗，浮雲  
忽相踰，古來本如此，感歎亦徒愚，與君須盡歡，無爲自  
焦枯。

美女篇

城南有美女，灼灼居青樓，容華艷城郭，采桑南陌頭，羅

裙連理帶，絲籠黃金鉤，嬌體無比婦，清且修，一顧  
傾國歡，再顧桃李羞，窈窕何家郎，雕鞍被紫駟，衣冠麗  
且都，驥駁來道周，情移在一見，躑躅爲遲留，殷勤問邦  
族，所問良有由，還家遣媒人，禮幣登門求，君意輕金帛，  
妾身重山邱，富貴良足慕，高明非我儔，女兒重所天，君  
子期好速，託根在得正，失足寧可收，識彼終風詩，感歎  
長悠悠。

隴頭歌

隴頭流水幽咽不已，朝辭隴頭暮注千里，幽咽聲哀  
行人，心摧度隴出關何時來歸，幽咽幽咽肝腸斷絕。

芝房詩存

水無時乾，淚無時歇。

前有尊酒行

金尊注酒千壺空，吳姬顏色桃花紅，高樓氤氳歌一曲，  
餘聲四散隨春風，春風東來吹酒盃，城南郭北花爭開，  
此時不飲綠何事，無使夕陽西向頹，夕陽西頹可奈何，  
深更明月生江波，且盡良宵百杯酒，更聽銀箏五夜歌。

出塞曲

黃雲白草遍天山，馬上征人去不還，西出邊牆家更遠，  
一時回望玉門關。

塞下曲

轅門暮雪打迴風，漠北千山白映空，凍結弓刀冰裂面，  
男兒鬪首怨邀功，絕域從軍數及秋，征夫十萬望伊州，雲間極目無歸雁，  
惟有黃河入塞流，帶刀春日龍堆三月邊，庭冰未開昨夜東風吹塞草，  
山光遙映赫連臺，秋夕西風大漠寒，霜天哀角下雲端，關南一片秦時月，  
盡夜孤城坐甲看，十丈紅旗拂碧霄，諸營刀戟靜蕭蕭，晴天放牧秋蕪短，  
日暮川原萬馬驕。

黃河水合北風高秋水磨成七寶刀諸將防邊多李廣  
左賢終不犯臨洮

枯魚過河泣

枯魚過河泣故居不復入今如貪作穴焦爛何嗟及

白馬篇

白馬帶鏐鞍隨風自騰驤金鞭誰家子下馬氣堂堂自  
言萬人敵立功在戰場頭上紫鸚冠堆尾凌風翔腰間  
鹿盧劍寶玉千金裝與酣枝長鈇三尺吐鋒芒星辰動  
四壁一瀉秋水光五步不留行殺人如批糠十五充宿  
衛十七羽林郎三十從嫖姚與師擊戎羗手取將軍印

所向莫敢當勒馬清絕域銘功在殊方歸來謁天子賜  
齋固非常功名期衛霍意氣無金張空歌滿後庭金珠  
以斗量出門鳴鼓角下令挾風霜大笑楊子雲垂白賦  
長楊

村居雜興

野人避塵喧村居有茆屋平田成小聚數間倚山麓園  
林茂雜樹左右交修竹結鄰惟農圃滿郊見樵牧課童  
灌嘉蔬四時具野蔽桑麻皆自種蠶織供衣服開門日  
無事少愁即清福

春至嘉樹秀禽鳥多佳音山泉漱石齒清冷如古琴閒

挽同心伴一息幽崖陰澗上且濯足冷碧清人心涉日  
已成趣何為勞遠尋

碧溪二三里竹樹臨溪斜清流六七寸粼粼漾白沙蘋  
藻正可數聚戲多魚蝦垂釣坐磐石深潭網時遮日暮  
溪風冷持竿歌還家忽悟富春渚不以易榮華

秋收納稼畢鳥雀噪空場竹下放荆扉鷄豚散夕陽此  
時黍已熟甕頭酒亦香山農忽相過執手野徜徉豈期  
欸高論所喜無他腸日暮掃竹榻欣然為洗觴

村外復何有四面皆雲山秋高天宇淨壓落如翠畫開  
牖不須招殷然滿屋間日臥西窗下心境為俱閒自許

儕懷舊不數晉宋還何在對嵩華只此能開顏  
日落亂山夕林薄留餘清稍上竹間響不覺秋月生飛  
光靜庭戶河漢耿微明水際螢光冷百蟲露下鳴烹茶  
掃秋葉樹底影縱橫深夜百為靜悠然心氣平

田家雜詩

草木不知名春至滿山榮好鳥似相識飛來相對鳴此  
時東西家荷鋤同出耕野田水漠漠青秧與波平和風  
穆然至十里縷雲生日暮返蘿徑鷄犬當門迎布席待  
亞旅有酒聊共傾

東家收新瓜西家收新韭一時互相送有報亦有受微

物將寸心所期情永久今年雨水足無憂饑入口秋成  
蓄黍稷澆酒附阿婦亦豈樂杯觴堂上供父母

四月南風動東郊有佳趣稂莠侵嘉禾呼僇修芸具赤  
日畏燒田踏水上溝路盤礴却炎熱掛衣高柳樹野歌  
復有蒼不覺西日暮一飽無餘事富貴復何慕

田舍無雜賓所厚惟呈鄰貌樸禮更質心淳言自真薄  
暮扣柴門一笑情相親月照疎樹根流影前溪濱乘涼  
共樹下濯足溪水垠桑麻互相問娛樂忘苦辛同勉完  
官租藜藿甘清貧

秋深禾正熟稻花香繞村計日期刈獲決水疎禾根呼

兒種籬柵暫爲園鷄豚老翁出門望倚杖更扶孫收成  
幸豐稔擬爲添布禪

蟋蟀鳴我床收成功已畢四鄰紛納稼我亦盈家室各  
樂免饑餓豈曰倉箱實斗酒會同儔盤肴任真率西疇  
誰無事事當遂安逸乘屋更須亟轉瞬又春日

暮春齋中題壁

寒食欲來雨凄凄梁間細語燕啣泥隨風搖戶樹影綠  
帶濕壓簷花枝低病餘扶杖足初健睡起開窗心欲迷  
烟郊遠望沉沉碧白鷺一行飛隔溪  
弄雨作晴暮春時濕雲過盡好風吹烟開葉底鳥呼伴

芝房詩存

日暖籬間蟲吐絲拂水柳條四五尺出牆桃花三兩枝  
紙窗竹屋絕塵滓坐頌幽香來隔帷

登文山絕頂望南海

浮海未獲乘艘艘我來萬丈凌天風冥冥一氣浸霄壤  
下顧雲水蒼茫中九州北來盡奔放山趨澤滙開南東  
終古洪濤勢磅礴惟見凝碧如磨銅忽驚火輪欲下浴  
霞光噴射千山紅陽烏張目正俯視海若吐氣將高冲  
倏訝沙嶼紫金帶光瑩照徹誰磨礪是時百靈暫出舞  
奇氛怪氣千蒼穹神鼉吹波立雪山巨蜃嘘雲標彩虹  
豈有神境真出見銀臺貝闕搖晴空海水的爍亂朱碧

千門萬戶開瓊瓏生平壯懷在名岳俗塵束縛徒匆匆  
顧此雖非太華巔帝座呼吸亦可通胸懷正爾吞夢澤  
意氣不覺高衡嵩我思入海駕雲龍飄然直入蓬萊宮  
西求寶訣拜王母東問丹經從木公雲間把臂共游戲  
下視人世蒼溟濛

桃源行

武陵溪種千桃花數里屈曲隨風斜水盡花窮谷相抱  
誰知中有秦人家漁舟泛泛隨溪漾數盡紅花沿碧浪  
乍驚小口僅通人一人山中轉平曠忽訝村落同人間  
平疇耕鑿清且閑竹簷茆屋倚絕澗紅鷄白犬鳴深山

一三



下

其中久絕紅塵及羣鶯俗客隨水入老少來看盡古冠  
 語言相問非時習自從出世避狂秦久住深山不記春  
 風高秋老稻梁熟雨足暖同桑柘新年年歲長山麓  
 生子生孫滿空谷寧知大澤劍分蛇只記咸陽馬為虎  
 酒杯鷄黍競招邀細詢人事共逍遙自言物外無多日  
 不信中原更數朝歎冷攀留人小住不覺相歡歡復暮  
 花飛風起憶家鄰作別山人尊舊路孤舟猶在扶復回  
 沿遠點識去還來重至烟波迷谷口惟有桃花落且開  
 和舍弟子京廣州寄見懷之作

頻年傷別憶鄉關風雪會同抱病還一臥春來經六月  
 片帆東去復千山分攜差喜身猶健潦倒多應鬢易斑  
 歡會祇期歸計早生平何事可怡顏

和子京肇慶江中望得梧諸山  
 大江西去翠相連指點潯樵山障天萬壺傲嵐爭弄日  
 數峰遠色欲沈烟頻年鼓柁寒城外中渡推篷自浪前  
 讀罷新詩情忽遠依稀雲水瀝湖邊

詠邑中古蹟四首

難國况夫人見隋書

錦織威名千載奇累朝開國在南陲八州靜奉天家節  
 一擊先推叛帥亂世生靈依聖母炎天柱石屬城隍

至今海甸年：祀喬木荒原過古祠

越國公馮益見唐書

控馭威名接祖風奇才驚起海甌東楊令公素贊公語平變七  
 夫同仁貴籙霸一言似竇融表海久歸隋太守入朝終  
 擬漢三公百年保障南州地邊將何人似樸忠

梁侍郎楚宋紹興中公令博日交趾寇幸至城破賊以火炙公罵不絕口而死高宗嘉其忠贈禮部侍郎

侍郎忠義氣干雲殉難英風遠近聞蠻寇暴橫深入境  
 山城倉卒豈能軍潰圍難恃強弓力公守城引弓連擊數賊罵賊  
 寧從烈火焚豈為褒嘉沾美秩惟將一死報明君

族祖吉安通守夢河宋正末公以副榜就仕吉安通判署安福知縣賊破城

判司卑秩老儒生一出中原正用兵大勢已隳殘百郡  
 小臣何計保孤城登陴慷慨心何極公登陴督守賊來城上制府次日城陷出對賊從容命久輕千古衣冠餘  
 碧血宗人瞻拜淚沾纓

秋月散步書懷

佳辰又見月當頭肯把閒心負此秋竹裏尋幽沙逕白  
 村前滌暑野風柔天光澈澀涼如水樹色空濛遠欲流  
 轉憶素心千里隔誰與高詠庾公樓